



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ՆԱԽԱԳԱՀԻ ՏԵՂԱԿԱԼ

« 30 » 08 2018 թ.

No 06/3. 1/50955-18

«ՀԱՅԱՍՏԱՆԻ ՓՈՔՐ ԵՎ ՄԻՋԻՆ
ՁԵՌՆԱՐԿԱՏԻՐՈՒԹՅԱՆ ՀԱՇՎԱՊԱՀՆԵՐԻ
ԱՍՈՑԻԱՑԻԱ» ՀԿ ՆԱԽԱԳԱՀ
ՊԱՐՈՆ Վ.ՀԱՄԲԱՐՁՈՒՄՅԱՆԻՆ

ՊԱՏՃԵՆԸ՝ ՀՀ ՊԵԿ ՓՈՔՐ ՀԱՐԿ ՎՃԱՐՈՂՆԵՐԻ
ՀԱՐԿԱՅԻՆ ՏԵՍԶՈՒԹՅՈՒՆ-ՎԱՐՉՈՒԹՅԱՆ
ՊԵՏ ՊԱՐՈՆ Տ.ԶԱՔԱՐՅԱՆԻՆ

ՀՀ ՊԵԿ ՀԱՐԿ ՎՃԱՐՈՂՆԵՐԻ
ՍՊԱՍԱՐԿՄԱՆ ՎԱՐՉՈՒԹՅԱՆ
ՊԵՏ ՊԱՐՈՆ Վ.ՍԻՍԱԿՅԱՆԻՆ

Ի պատասխան Ձեր 05.05.2018թ.
թիվ Պ-28 գրության

Հարգելի պարոն Համբարձումյան

Հիմք ընդունելով ՀՀ հարկային օրենսգրքի 35-րդ հոդվածի 1-ին մասը և 307-րդ հոդվածը, իրազեկման կարգով հայտնում ենք հետևյալը:

ՀՀ հարկային օրենսգրքի՝

- 8-րդ հոդվածի 2-րդ մասի համաձայն՝ հարկման ընդհանուր համակարգի շրջանակներում կազմակերպությունները, անհատ ձեռնարկատերերը և նոտարները հարկվում են, մասնավորապես, ԱԱՀ-ով և (կամ) շահութահարկով, իսկ արտոնագրային հարկով հարկման օբյեկտ համարվող գործունեության տեսակների մասով՝ արտոնագրային հարկով,
- 15-րդ հոդվածով սահմանված են հարկերի հաշվարկման համար առանձնացված հաշվառում վարելու, առանձնացված հաշվառում վարելու անհնարինության դեպքում տեսակարար կշիռների մեթոդի կիրառմամբ հարկերի հաշվարկմանը վերաբերող կարգավորումները,

- 72-րդ հոդվածով սահմանված են ԱԱՀ-ի մասով հաշվանցումների (պակասեցումների) կատարման սահմանափակումները: Մասնավորապես, նույն հոդվածի 1-ին մասի 3-րդ կետի համաձայն՝ օրենսգրքի 70-րդ և 74-րդ հոդվածներով սահմանված կարգով բյուջե վճարման ենթակա կամ բյուջեից փոխհատուցման ենթակա ԱԱՀ-ի գումարների հաշվարկման նպատակով ԱԱՀ-ի հաշվանցումներ (պակասեցումներ) չեն կատարում, եթե ձեռք բերված և (կամ) ներմուծված ապրանքները, ընդունված աշխատանքները և (կամ) ստացված ծառայությունները վերագրվում են օրենսգրքի 13-րդ բաժնով սահմանված՝ հարկման հատուկ համակարգերի շրջանակներում հարկման ենթակա գործարքներին,

- 73-րդ հոդվածի 3-րդ մասի համաձայն՝ եթե ձեռքբերումներն ուղղակիորեն վերագրվում են ԱԱՀ-ով չհարկվող գործարքներին, ապա այդ ձեռքբերումների գծով ԱԱՀ-ի գումարները հաշվանցման (պակասեցման) ենթակա չեն ձեռքբերումների կատարման հաշվետու ժամանակաշրջանում,

- 75-րդ հոդվածով սահմանված են ավելացված արժեքի հարկի և ակցիզային հարկի միասնական հաշվարկների ներկայացման կարգ ու ժամկետները: Մասնավորապես, նույն հոդվածի 1-ին մասի համաձայն՝ ԱԱՀ վճարողները մինչև յուրաքանչյուր հաշվետու ժամանակաշրջանին հաջորդող ամսվա 20-ը ներառյալ օրենսգրքի 53-րդ հոդվածով սահմանված կարգով հարկային մարմին են ներկայացնում ԱԱՀ-ի և ակցիզային հարկի միասնական հաշվարկներ:

Միաժամանակ, հարկային հաշվարկների կազմման և դրանց ներկայացման հետ կապված հարցերը կանոնակարգվում են ՀՀ հարկային օրենսգրքի 9-րդ գլխով, ինչպես նաև հարկման ընդհանուր և հատուկ համակարգերի շրջանակներում գործունեություն իրականացնելու դեպքում ՀՀ հարկային օրենսգրքի համապատասխան մասերով:

Հաշվի առնելով վերոնշյալ կարգավորումները՝ հայտնում ենք, որ գրությամբ նշված դեպքում՝

1) եթե կազմակերպության կողմից ՀՀ տարածքում ձեռքբերված հաստոցները և ներմուծված սարքավորումները չեն վերագրվում արտոնագրային հարկով հարկման ենթակա գործունեությանը, ապա ԱԱՀ վճարող համարվող կազմակերպությունը պարտավոր է յուրաքանչյուր հաշվետու ժամանակաշրջանի համար օրենսգրքով սահմանված կարգով ու ժամկետներում ներկայացնել ԱԱՀ-ի և ակցիզային հարկի միասնական հաշվարկ,

2) եթե կազմակերպության կողմից ՀՀ տարածքում ձեռքբերված հաստոցները և ներմուծված սարքավորումները վերագրվում են արտոնագրային հարկով հարկման գործունեությանը, ապա այդ ձեռքբերումների մասով ԱԱՀ-ի գումարները ենթակա չեն հաշվանցման ՀՀ հարկային օրենսգրքի 72-րդ հոդվածով սահմանված կարգավորումներին համապատասխան: Հետագայում այդ սարքավորումները ԱԱՀ-ով հարկվող գործարքներին վերագրելու դեպքում չհաշվանցված ԱԱՀ-ի գումարների վերաձևակերպումները կատարվում են ՀՀ հարկային օրենսգրքի 73-րդ հոդվածով սահմանված կարգավորումներին համապատասխան:

ՀԱՐԳԱՆՔՈՎ՝



Recoverable Signature

X

VERIFIED OCSP 8/30/2018 21:21:17 GMT+4

Signed by: MANUKYAN ARTUR 3801690067



Ա.ՄԱՆՈՒԿՅԱՆ

ՎՄՍԸՎ հարկերի և պարտադիր վճարների
մեթոդաբանության թիվ 1 բաժին,
հեռ. (060)544780